

375/2
DHOPADHOLA
Paper 2
2 ½ Hours



UGANDA NATIONAL EXAMINATIONS BOARD
Uganda Certificate of Education

DHOPADHOLA

Papula mararyo

Niaŋ, Ndiko Ichieko kodi Tim gi Kula ma Nono

Sawa Aryo g'adech

CHIK:

*Papula me nitye gi thenge **adek**; Thenge **A, B** kodi **C**.*

*Timi penj ma thenge **A** kodi **B** jye.*

*I thenge **C** yeri penj achiel kende; 3 (a) **kosa** 3 (b).*

*Dwoki penj **adek** kende i papula me.*

*Radwok ma penj m'okalo **adek** kokewira.*

Ndiki radwok perin i papula m'ilamiyin.

THENGE A

NIAD

1. *Soma kigana me t'idwoko penj m'omiyin.*

Watundo i kambi ma Aboka Resort m'onyo piny makere, aka m'onyo wamol mothmoth i iye won mere, aneno mach m'onjere mathindhothindho pa mipira m'oyido oywore kanyo bino romo gi mach ma mutoka mawan.

“Meno waŋ ondyek ama pilin no, ogwaŋ machalo kibwe ma ithe oryeko pa ith kilafundo aka bende jadwar pa gwok,” Yona ma jakwaŋ wendo otito riwan. “Me a kabedo pajo, aka yamo gini jochokere ka rango chiemo dyer wor ka piny okwe.”

Tekin wachowo madho chai nyakwakirok odikin ma yawere, warure mito kidho neno kapidho ogwaŋe m'ilwoŋo ni Kidepo m'ipako nago pageni mugole ma nyaka orwaki peta i lwet gin ma jokwakere mito mwodo kwo.

Kadanende oyido nyaka sawa achiel won m'odikini, lero ma waŋchieng m'oyido otyeko peko waŋe aka limbo gi tipin got ma Moroto, onyo ochako ole i kombe ma wigot no gi kisangala pageni joma jogalo gi romo ama jomothere. Micha kiŋono matuko, moruwo kite manyatongweno, manyabokependi pa lifudu. Kere am'omiyo owachi ni “Afirika obedo piny ma milengela”. Waŋchieng thir malo pageni tadoba ma josaseredot jo jengo i wiy mesa ma alitar.

I sawa abich won m'odikini onyo kambi olokere ini winyo munap yonjeywan, ato onyo waŋchieng otyeko tundo bor iyabar m'opedhere pa siniya ma toko muchiere. Jadwong makwaŋo wendo kotito riwan nike ka a kama inyalo nwaŋo iye ogwaŋe ma nger gi nger chiegin denge ma nyalo romo kit ogwaŋe pier'aboro kosa miy'achiel ma pama jotyeko chiro kit kwo ma ka oro gi oro.

Piyopiyo no to dwol m'oruwo kite machol gi matar to menyere riwan. Obedo kidhur sebura m'oyido jochiemo rigin i syem yonyimi wan. Adhyer'adhyera nger ma Were ogeno gikipiny m'oruwo kite aka won oŋeyo nger ma ruwo!

Jagweyi motoka odwoko sipidi chien de chien to kwako gwoko wan nike kisi nyatoro ochiegi dinisa. Ka nyaka ni wachowo timo ameno won ama waneno dwol simbwor gi nyithindhigin mayiro manok. Me kere am'omiyo sebura gini oyido josedela ro botho kwo pajo.

“Winitye gi silwany konon,” jakwaŋ mawan odoko owacho. “Simbwor, kwach kodi ogwaŋe meggi mathindho jokinwaŋere ka kichar. Jobedo de malo dho wigot koro aka jolimbalinga ka dichieldichiel liwo dek pajo, tektek mere ka jochwayo nyithindhigin.”

Othieno no, waleralera iyabar ma Kidepo m'othwo, kama chango malawa oyido ni iye no kanyo wagik yo kambi mawan. Aŋo ma wakineno? Lyeche, jowe, simbwor iwiy yen, ragadhyaŋ, akwani mene awayi mene.

Paro paran oŋwecho denge i gikipiny meggi mabeyo ma nwaŋere yo adech man i Yuganda paka ogwaŋe ma Nyanja ma Mburo, Lul ma Busitema,

oṅere ma Bwindi kodi nṅuke m'oywore Busitema. Iyadyeri, Yuganda nitye gi lim mabeyo maywayo wendo ma nger gi nger: lule, malawa, ogwaṅe kodi tim gi kula ma nyanono.

Okwanyi i: *S.3 Dhopadhola Learner's Book.*

Penj:

- (a) Aṅo m'omiyo jandiko doṅ dhyer tekin jotundo i Aboka Resort?
- (b) Iparo ni ogwaṅe ma dudi m'opokere jonwaṅo nedi nger ma kwo gi gwokirok?
- (c) I Yuganda nitye joma jomito reyo woko dudi, lule gi samba ma get'iyē udi matimo gi man man.
K'iluwo randiko m'iwok kisoma me, titi chwe ma wanwaṅo wok i kabedo m'imito reyo me.
- (d) Ogwaṅe nitye m'opokereopokere i kabedo makachiel i Yuganda. Nitye ogwaṅe m'otuchi i randiko me majonwaṅere i kabedo achiel. Titi rapok pajo kodi ogwaṅe man.

THENGE B

NDIKO ICHIEKO

2. *Soma randiko me t'idwoko penj maluwo.*

Chango chon, kisi chalo oyido nigi nger ma gwoko kosa kuro pii maber i jwom kosa pecho. Jwombe oyido obedo mapa chalo gipi. Kisi Sabiti oyido idoyo gi lonyo jwombe. Lonyo jwombe me oyido itimo i nger m'opokereopokere paka chwado, doyo, lwero jangi yen, ywero pii gi yuk makoch, kwanyo tworo gi lum ma twi i pii. Oyido nitye chik mager ma kiyey dhano moro jye kitoga rech kosa buko pii i jwom no. jwom ma rech oyido nitye iye obedo ranyuth ni pii mere ber amadha. K'ineni gi silwany marach to rech tho i jwom oyido meno obedo ranyuth ni pii no kiber amadha.

Oyido ichiero jokulo twomo pii titir gi waṅpii. Ka dhano kidho kulo, go ripo chungo chien kosa gi thenge to twomo pii. Oyido ka dhano twomo pii, oro agwata m'olony to konjo i dak kosa ndowo pere m'olony. Oyido i oro kudhin ma geṅo nyithindho g'ogwaṅe duwo waṅpi. Aka kendo bende iyero dhano achiel ma kuro jwom no.

Joradech ma jokiluw chik mamako lonyo ma jwom bende oyido imiyo jo girachula i nger moro. Pama tim me ongoye.

Ka dhano otundo gi pii pecho, iketho i degi madongo. I konjo pii amadha i dak pii. Dak me iumo gi sen kalwingiri kosa nanga m'olony. Iketho kikopo kosa agwata m'olony i dak pii kosa ilyero i musumali chiegin gi dak pii me. Kikopo kosa agwata me oyido ioro nyaka ma twomo pii i dak t'ikonjo i kikopo man. Nyithindho kiyey jo twomo pii i dak kendigin rupiri jonyalo kocho pii. Nitye pechin meg i chalo mawan mafodi jotimo ama.

Pama me iketho pii i chupin ma nyamipira kosa imuro pii nyaka t'ikonjo i jirikan m'olony t'iketho i chuma ma njicho gikipiny (firiji). Imiyo jii ryeko ma ketho makerenda ma kenera pii m'ilwojo ni kulorin. Pii me ioro i pechin inger m'opokereopokere.

Okwany i: *S.3 Dhopadhola Learner's Book.*

Giratima:

Okwayin ni ipoy jii kwom nger m'ikur'iyeye pii m'olony. Wodhi paro perin i wach maromo 100.

DUL C
TIM GI KULA MA NONO

3. *Thenge me nitye gi penj aryo. Timi penj **achiel** kende.*

(a) *Soma giratima m'omiyin piny ka idwoki penj maluwo.*

Yokin chango odongo inono man riameno go okuya thutho ma gikipiny ma makere gi nono ma Padhola. Pama go mito timo lumbe i lyendi kwarin. Go okuya thenethene maber aluwa i nger kalima machalo ama.

Giratima:

In paka nyathi ma timo dhodhok ma Dhopadhola i siniya maranjwen, ndiki gimatimere i lumbe malakonyo yokin i chan pere.

KOSA

(b) *Soma giratima m'omiyin piny ka idwoki penj maluwo.*

Nyamerin ma dwon onywolo rut aka timo chan machwoko nying nyithindho pere. Go okuya thenethene ma go nyalo luwo rupiri chango go odongo pa jopaneyin.

Giratima:

Ndiki gimabedo i kalima no.